



Crisis Theologica

Cárdenas, Juan de

Sevilla, 1687

Cap. I. An Romanus Pontifex loquens ex Cathedra possit errare in materia
moru[m]?

[urn:nbn:de:hbz:466:1-75689](#)

DISERTATIO PRIMA

PROÆMIALIS.

*Quomodo debeant Catholici revereri, & propugnare hoc decretum
Innocentij XI. Vbi de qualitatibus huius decreti.*

CAPUT I.

*An Romanus Pontifex loquens
ex Cathedra possit errare in
materia morum?*

1. 
Atissime egi de hac materia in 1. part. Cris. Theol. disp. 9. præcipue cap. 6. & cap. 20. contra eam opinionem Car-
muelis, quod *Non datur in mundo visibili authoritas damnandi opiniones probabiles*. Sed cum ea tractatio ma-
xime necessaria sit ad intelligendam authoritatem huius decreti, durum videbitur lectori, quod illum mittam ad querendum eam primam partem meæ Crisis præfatæ. Ideo ergo quam-
vis nimis importunus videar, scribendo eadem semel & iterum; plau-
cuit tamen consulere potius vtilitati Lectoris, quam metuere meæ exis-
timationi. Quare in præsenti diser-
tatione multa repetam ex ea disp. 9.
quibus multa etiam superaddam ad
complementum materiæ.

ARTICULUS I.

*Quid censeant Theologi de hac
questione?*

SUMMARIUM.

*Quod Pontifex erret in materia mo-
rū, repugnat sanctitati Ecclesie. Ex*

*Suario, Bellarmino, Cano, & pluribus
alijs. n. 2. & seqq.*

*Si Pontifex erraret in materia mo-
rū, erraret etiam circa Fidem. Ex eis-
dem authoribus. n. 4. & seqq.*

*Quare Pontifex non possit errare
in approbatione Religionum? Ex S.
Thom. n. 16.*

*Quomodo Authores distinguant ma-
teriam morum à materia Fidei? n. 17.*

*An doctrina tradita non solum in-
telligatur, quando precipit, sed etiam
quando approbat, vel reprobat? n. 18.*

2. 
N loco citato scripsi
hæc, quæ reproduc-
co, aliquibus super-
additis. Certissimum
est inter Catholicos
Doctores, Roma-
num Pontificem loquentem ex Ca-
thedra errare non posse in materia
morum. Ita P. Suarez disp. 5. de Fide,
sect. 8. num. 7. Attentione digna sunt
eius verba: *Approbare autem turpia
pro honestis, & è converso, damnare ho-
nesta tamquam iniqua, repugnat vir-
tuti, & sanctitati Ecclesie; & ideo in
his etiam non potest errare Pontifex.*
Pro quo citat alios Doctores. Idem
docet tom. 3. de Religion.lib. 2. cap.
17. num. 19.

3. Ex quibus verbis hæc resulterat
demonstratio. Certissimum est ex Fi-
de, Ecclesiam esse sanctam: sed appro-
bare turpia pro honestis, & damnare
honesta tamquam iniqua, repug-
nat

Suar.

nat sanctitati Ecclesiae : ergo repugnat principio certissimo. Sed quod repugnat principio certissimo, est certissime falsum; ergo certissime falsum est, quod Ecclesia possit approbare turpia pro honestis, & damnare honesta tamquam iniqua. Sed quod Romanus Pontifex docet Ecclesiam, Ecclesia approbat (hoc enim nomine intelligimus Ecclesiam cum suo capite) & quod Pontifex docet damnandum, Ecclesia damnat: ergo si Romanus Pontifex posset approbare turpia pro honestis, & damnare honesta tamquam iniqua, ilia approbaret, & haec damnaret Ecclesia.

4. Idem tamquam certissimum tenet Card. Bellarmi nus lib. 4. de Romano Pontifice, cap. 1. vbi pollicetur, se demonstraturum, iudicium Romani Pontificis esse infallibile in materia Fidei, & morum. Et circa materiam morum id praestat cap. 5. in cuius fine haec habet verba. *Quod autem non possit Pontifex errare in moribus per se bonis, vel malis, probatur. Nam tunc Ecclesia non posset vere dici sancta: ut in symbolo Apostolorum vocatur. Nam sancta dicitur pontificis ob sanctam professionem, ut alibi ostendimus; quia numerum legem, & professionem sanctam proficitur, que nihil docet falsum, nihil precipit malum. Secundo, quia tunc necessario erraret circa Fidem. Nam Fides Catholica docet, omnem virtutem esse bonam, omne vitium esse malum: si autem Papa erraret preceptando virtutia, vel prohibendo virtutes, teneretur Ecclesia credere, virtutia esse bona, & virtutes malas.*

5. Idem docet Canus lib. 5. de locis cap. 5. conclus. 2. §. Deinde. Vbi ita ait: *Si enim Ecclesia, vel expresso iudicio, vel lege lata turpia probaret, aut reprobaret honesta, hic iam numerum error non solum Fidelibus pestem, ac perniciem afferret, sed Fidei etiam*

quodammodo adversaretur, que omnem virtutem probat, uniuersa vita condemnat. Vbi notanda sunt ea verba; vel expresso iudicio, vel lege lata: utroque enim modo repugnare sanctitati Ecclesiae, & veritati Fidei, affirmat Canus. Et mox: Ita si errat illa, Christus nobis erroris Aut hor est. Quod qui videat, non modo indocte, sed etiam impie faciat, si Ecclesiam in morum doctrina errare contendat.

6. Et licet Canus videatur prius limitasse conclusionem, dicendo, Ecclesiam non posse errare in materia morum, qui necessarij sunt ad salutem, quasi sint alij mores non necessarij ad salutem, in quibus possit errare, ceterum in diuis periodis proxime relatis satis declaravit, honestatem cuiuslibet moris ut prosecutio ne dignam, & turpitudinem cuiuslibet moris ut fugiendam, esse mores necessarios ad salutem, in quorum approbatione errare Ecclesia non possit. Nam doctrina de honestate, vel turpitudine cuiuslibet actionis moralis est necessaria ad salutem; pendet enim salus animarum ex eo, quod dignoscatur, quidquid turpe, & quidquid honestum occurrerit.

7. Idem tradit sylvester verb. *Fides, num. 2. vbi sic ait: Ad Fidem pertinet inherere determinationi Pontificis Summi in his, que sunt Fidei, immo etiam in his, que spectant ad bonos mores, quia in huiusmodi etiam Ecclesia errare non potest, & consequenter nec Caput eius, in quantum Caput, sive in quantum Pontifex.*

8. P. Castro Palao tom. 1. tract. 4. disp. 1. punct. 3. num. 4. docet esse de Fide, non posse Romanum Pontificem errare statuendo aliquid à tota Ecclesia observandum, quod legi divinae, vel naturali contrarium sit. Et tenet etiam, id esse de Fide, loquendo de lege, seu constitutione lata pro vna Provincia, cum Mag. Bañez 2. 2. quæst.

C. Palao

C A P V T I . A R T . I .

9

quæst. 1. art. 10. dub. 6. conclus. 1. in
breviori Commentario.

9. Cuius Magistri verba hæc
sunt. *Summus Pontifex, aut Ecclesia*
in ferendis legibus ad totius Ecclesie
necessarios mores spectantibus non po-
test errare. Probatur conclusio. Nam
Christus D. Math. 16. & 18. & Ioan-
nis 20. promisit, & tradidit claves Regi-
ni celorum Petro, & successoribus, ut
fidelibus aperirent cælestem ianuam:
sed regnum celorum clauditur non so-
lum ignorantia Fidei, sed etiam rerum
agendarum: ergo in Ecclesia clavis po-
testatis est ad firmiter statuendum de
moribus observandis à Fidelibus. Vide
infra num. 16.

10. P. Granado 2. 2. controv. 1.
tract. 7. disp. 2. sect. 2. num. 11. sic alt:
Quod attinet ad morum doctrinam,
non minus certum est, non posse definiri
à Pontifice esse bonum id, quod pecca-
tum est, quam est certum, non posse er-
re in doctrina Fidei.

11. P. Valencia 2. 2. disp. 1. quæst.
Vñmias. 1. punct. 7. quæst. 6. §. 40. id ipsum late
probat; & id intelligere, non solum
errare non posse Pontificem in rebus
Fidei, sed neque quoad mores, constat
ex §. 41. vers. Respondeo si Pontifi-
cis illis verbis. *Ita absque ulla restri-*
ctione dicendum est, quidquid Pontifex
in rebus controversis ad pietatem spe-
ctantibus determinat, infallibiliter
illum determinare, quando, ut exposi-
tum est, universam Ecclesiam obligat.
Et versu. *Ad aliud. eamde infallibili-*
tatem attribuit Pontifici, quando ap-
probavit aliquid vitæ Religiosæ insti-
tutum; id enim spectat ad mores.

12. P. Petrus Hurt. 2. 2. tom. 2.
P. Hurt. disp. 163. §. 139. sic ait. *Recognoscet:*...
presertim Cardin. Bellarminum tom. 1.
lib. 4. de Romano Pontif. cap. 5. asseren-
tem, Pontificem errare non posse appro-
bando malum pro bono. *Contra quam*
doctrinam solum scripsere heretici non
nulli, quos refert, & refellit P. Gretse-

rus tom. 1. in defensione eius capit. Et
quidem si Pontifex posset ea in parte
errare, etiam posset in doctrina existi-
maret enim licere, quod non licet; &
eius occasione Fideles etiam errarent.

12. Lugo Card. disp. 20. de Fide
sect. 3. num. 109. sic ait: *Hinc enim col-*
ligunt Theologi, Summum Pontificem
non posse errare in decretis morum, quæ
pro Ecclesia univerali proponit: quia,
ut notavit Bellarminus lib. 4. de Rom.
Pontif. cap. 5. si Pontifex loco virtutis
præciperet vitium, Fideles, qui obedire
tenentur Pontifici, debent credere, vi-
tium esse bonum, ut illud honeste am-
plecentur, in quo iudicio deciperen-
tur, & errarent omnes.

13. Petrus de Aragon 2. 2. quæst. Aragon.
1. art. 10. tract. de Summo Pontifice
dub. 2. §. Ais tamen. sic ait: *Papa cum*
definit doctrinam Fidei, & morum,
camque proponit toti Ecclesie creden-
dam, nullo modo potest errare. Et pro
ea citat S. Thomam in eadem quæst. *S. Thom.*
Caietan.
1. art. 10. & in tract. contra errores *Turrecre.*
Græcorum cap. 67. Caietanum tract. *Phigius.*
de primatu Ecclesie Romanæ cap. *Driedo.*
13. & de authoritate Papæ & Concilij *Victoria-*
cap. 9. Turrecrematam lib. 2. Summa Ecclesie cap. 109. Albertum Pighium lib. 4. de Ecclesiastica Hierarchia cap. 2. Driedonem lib. 4. de Ecclesiasticis dogmatibus cap. 3. Victoria in relect. de potestate Ecclesiast. & Roffensem art. 28. contra Lutherum.

15. Idem late docet Diana part. Diana.
11. tract. 2. de infallibilitate decretorū *Malden.*
Pontificis, in appendice resol. 13. & *Turrian.*
apud ipsum Malderus 2. 2. quæst. 1. *Sylvius.*
dub. 6. Turrianus disp. 16. dub. 2. Syl- *Conink.*
vius lib. 4. de controv. quæst. 2. art. 13. *Gretfer.*
& alij. Tenet etiam P. Conink de Fide *Arriaga.*
disput. 12. dub. 5. conclus. 5. & P. Gretferus vbi suprà: idem docet P. Amicus tom. 5. disp. 9. num. 26. & P. Francis- *Amicus.*

16. Ob hanc rationem certum
omnino

B

Non posse ducere Romanum
Pontificem in suetate Fraci
ad admodum. Et Cathedra om-
nes Sancti Patres vno vno clamant,
quos prolixum esset regere. Vnde
Bellarmine lib. 2. cap. 1. P. 1.
exp. 2. & 3. de P. Valenciam. 2. 2. Dicit
triginta. p. 3. p. 3. & seqq. Ex
quibus Sanctis Patribus. Atque patris
significante. indicavit Romanum. P. 1.
ficio non solum esse in maiestate in ma-
te et Fidei, sed etiam quod a mortuis.
Innocentius I. in epist. ad
Opicinum. Carthagin. Se habebat
romani Concilii collectione Seven-
tis. Intrauit. Parvus per Concilium
aderant, quod consulderetur Tertium
Apostolicum, & habebat. I. Antiquae obiecta
traditions exempla solvantib, & ex
disciplinae memorie disciplina, ne
religionis ignorare, non manus mino in
confundebat, quam ante a summa pronun-
tiare, veneracione firmatis, qui ad
nostrum referendum approbaris esse me
dicimus. Studentes quid Apostolice Sedis
cum omnibus hoc loco profici, ipsi sum sequi
discedimus. Apostolim debet ut dicit
quod ipse Episcopatus, ex ore matris
iis nominis suis oportet quod in se
quimes. Nam MATER PRAEVALENTIA
NOSTRE CONFIDAM, etiam si PRO-
BARE LANDYNE.

In quibus verbis matri ve-
nientia rotanda. Primum, non loqui
dicitur etiam Pontificem de archibus. Si
debet ea etiam de bonis, et malis mori-
ribus, ut fatis etare denotant. Vnde
verbis Secundum, quia iudicis secundas
censimur in hoc laurelo. Secundum
Apostolice hec forsan verbina adiu-
mus. Quid dicit. Tunc mala damnari no-
vimus, quam probare. Tertium. Nihil
illud verbum. Veneracione firmam
quod dominus deum Ecclesias ait, &
firmitatem significat. Tertium quod
ipse patres duces a sermone Concilio his est,
qua virtus et talis, conculcans Romana
Credendam, quod est valde notandum.

Quartum, quod hoc genus consulendi Romanum Pontificem in his , sit iuxta antiquæ traditionis exempla , & iuxta Ecclesiasticam disciplinam. Quintum, quod hoc genus consulendi Pontificem firmat nostræ Religionis vigorem: quæ verba magnam important securitatem certitudinis. Sextum, id genus consulendi Pontificem esse debitum Sedi Apostolicæ : quod non aliter potest esse debitum, nisi propter assilientiam Spiritus Sancti à Christo Domino promissam. Et tandem nota in hac epistola Innocentij I. multa alia contineri, quæ hoc ipsum maxime confirmant.

22. Idem Innocentius I. ad Patres Concilij Milevitani epist. 93. inter epistola S. Augustini, ait: *Per omnes prouincias de Apostolico fonte petentiibus responsa semper emanant, praesertim quoties ratio Fidei veniatur.* Vbi ea dictio *Præsertim* clare significat, non solum quo ad articulos Fidei, sed etiam quo ad alia spiritualia negotia, iudicio Romanæ Cathedræ standum esse. Et quæ alia sunt spiritualia negotia ultra Fidem, nisi quæ ad mores pertinent?

23. S. Gregorius Magnus lib. 4. epist. 52. sic loquitur. *Si quam vero contentionem (quod longe faciat Divina potentia) de Fidei causa evenire contigerit, aut negotium emerserit, cuius vehemens sit fortasse dubietas, & proficiuntur magnitudine, iudicio Sedis Apostolice indiget; examinata diligentius veritate, relatione sua ad nostram studiat perducere notionem, quatenus à nobis valeat congrua SINE DUBIO sententia terminari.* Vbi notandum est, loqui Gregorium, & de rebus Fidei, & de alijs negotijs magnis, scilicet spiritualibus: quæ autem alia sunt negotia distincta ab articulis Fidei, nisi quæ pertinent ad normam recte vivendi? Et nota id. verbum *Sine dubio*, quod certitudinem importat.

24. Innocentius III. in cap. *Ma-*
iores. De Baptismo sic ait: *Maiores Ec-*
clesiæ causas, præsertim articulos Fidei
contingentes, ad Petri Sedem referendas
intelligit, qui eum, querenti Domino,
quem discipuli dicent ipsum esse, repon-
disse notabit: Tu es Christus Filius
Dei vivi, &c. Vbi idem notandum est,
quod in Innocentio I. circa eam di-
ctionem *Præsertim*.

25. S. Bernardus epist. 190. ad Innocentium sic ait: *Oportet ad ves- S.Bernar-*
trum referri Apostolatum pericula
queque, & scandala Regni Dei, ea præ-
sertim que de Fide contingunt. Vbi ea
dictio *Præsertim*, vt supra notavi, satis
clare significat, non solum determinan-
da esse à Pontifice *ea, quæ de Fide*
contingunt, sed reliqua scandala, scili-
cet ad mores spectantia.

ARTICVLVS III.

Hanc fuisse perpetuam Ecclesiæ
consuetudinem, &
traditionem.

SUMMARIUM.

Perpetua consuetudo Fidelium con-
fundi Romanum Pontificem circa Fi-
dem, & mores, exemplis Sanctorum
Patrum confirmatur. n. 26.

Ex Patribus Concilij Carthaginensis,
Nicæni, & Chalcedonensis id confir-
matur. n. 27.

S. Hieronymus consultit Damasum, an
debeat concedere in Trinitate unam,
vel potius tres hypostases. n. 28.

Alia consultatio S. Hieronimi. n. 29.

S. Augustinus laudat hanc consuetudi-
nem. n. 30.

S. Polycarpus, & S. Irenæus consulunt
Romanum Pontificem. n. 31.

Ex S. Leone Papa confirmatur eadem
consuetudo. n. 32.

Item ex Anastasio Papa. n. 33.

DISERTATIO I. PROÆMIALIS.

Consultatio Episcoporum Baetice & Toletane Prouincie missa ad S. Antonum. n. 34.

Item Tarraconensem, & Patrum Concilij Ephesini. ibid.

Epistole decretales Pontificum, & quinque libri decretalium ostendunt eamdem consuetudinem. n. 35.

Et ibi testimonium S. Cyilli.

Iudicium Melchioris Cani de hac Ecclesiæ consuetudine. n. 36.

Consultatio octoginta quinque Episcoporum Gallie super Iansenismo. n. 37.

Non est credibile, Episcopos recentiores ab hac doctrina recessisse. n. 38.

Firma Fidelium persuasio, quod dum sequuntur Romanam Cathedram, procedunt sine periculo errandi. n. 39.

26. **H**ac omnia efficacissime confirmantur ex vetusta, & assida consuetudine, ab initio nascentia Ecclesiæ, consulendi Romanum Pontificem in quibuscumque dubijs, & controversijs, quæ oriebantur circa Fidem, & mores, & exempla Sanctorum Patrum in eiusmodi dubijs confulentum Romanum Pontificem, manifeste declarant, quam alte in mentibus omnium Fideliū erat repositum, se per securam viam gradi, dum ex Consilio Romani Pontificis incederent: quod nequaquam facerent, nisi esset firma omnium Fideliū persuasio, in his Romanum Pontificem errare non posse propter promissam à Christo specialem assistentiam Spiritus Sancti.

27. Ideo Patres Concilij Carthaginensis, ut supra retuli, in iis, quæ constituerant, aut in quibus consulendis conveniebant, consulebant Innocentium I. Ita Patres Nicænae Synodi scribunt ad Sylvestrum Papam: *Quid quid constituumus, precamur, ut vestris oris confortio confirmetur*, & Patres

Conc. Carthaginensis, ut supra retuli, in iis, quæ

Nicænae

Calced.

Concilij Chalcedonensis ad Leonem Papam: *Omnem vobis gestorum vim insinuavimus ad eorum, que à nobis gesta sunt, firmitatem, & consonantiam.*

28. Ideo etiam Sanctus Hieronymus in epist. ad Damasum, dum in Ecclæsiæ significatum huius nominis Hypostasis, non erat satis notum, quin potius super illo magnæ erant excitatae controversiæ, imo & ipse Hieronymus existimabat idem esse Hypostasis,

sic enim ait: *Tota secularium litterarum schola nihil aliud hypostasim, nisi uiam novit. Et mox: Sufficiat nobis dicere unam substantiam, tres personas subsistentes, perfectas, & uales, coæternas. Taceantur tres hypostases, si placet; & una teneatur. Et cum huic opinioni tenaciter ad hæret ad Doctor maximus, sic scribit Romano Pontifici:*

Decernite, si placet obsecro; non timebo tres hypostases dicere, si iubetis. Et in fine epistola ait: Quam ob rem obtestor Beatitudinem tuam per Crucifixum mundi salutem, per homovision Trinitatem, ut mihi epistolis tuis sive tacendarum, sive dicendarum hypostaseon detur autoritas. Sed quare non timebat Hieronymus, cum res esset dubia pro tunc? Vtique non timebat, quia sciebat, quod Pontifex decernendo, sua autoritate dat illi omnimodam securitatem, quamdat assida Spiritus Sancti assistentis proteccio. Ideo in epist. 2, ad Damasum, quæ incipit, importuna, & in qua postulat à Pontifice decisionem de ea materia, scilicet de significatione huius vocis Hypostasis, ait: Ego interim clamito: si quis Cathedra Petri iungitur, meus est.

29. Similiter dubitans Hieronymus, quibus Episcopis communicare deberet, timens, ne hæreticis adhæreret pro Catholicis in præfata epist. ad Damasum, cum consult de hac re, & ait: Obtestor Beatitudinem tuam per

Cru-

Crucem Domini, ut qui Apostolos honore sequeris, sequaris & merito. Ut mihi litteris tuis, apud quem in Syria debeam communicare significes. Quare eam viam assumit Hieronymus in dubijs, nisi quia hac via Romani Præfusilis errari non potest?

S. Ang. 30. S. Augustinus lib. 1. contra Julianum cap. 4. laudat hanc consuetudinem veterum Patrum etiam in Conciliis Congregatorum, illis verbis: *Quid enim potuit vir ille Sanctus (Innocentius I.) Africanus respondere Conciliis, nisi quod antiquitus Apostolica Sedes, & Romana cum ceteris tenet perseveranter Ecclesia.*

31. S. Polycarpus (vt refert S. Hieronymus lib. de Script. Eccles.) Romani petij ad Anicetum Pontificem propter quasdam super die Pascha questiones. S. Irenæus (vt refert S. Hieronymus ibid.) Presbyter Ecclesia Lugdunensis legatus missus est ad Eleutherium Pontificem maximum ob quasdam Ecclesiæ questiones.

S. Leo. 32. S. Leo Papa epist. 89. ad Episcopos Viennensis Provinciae declarans Christi institutionem de Suprema potestate Petri, & successorum eius, illam probat ex consuetudine consulendi eam Romanam Sedem.

Anastasius Papa scribens Episcopis Germaniæ, & Burgundiæ, satis clare significat hanc viuuersalem consuetudinem consulendi in omnibus questionib[us], & dubijs Romanam Cathedram. Ait enim: *Exigit dilectio vestra, ex autoritate Sedis Apostoliæ vestris respondere consultis.*

S. Anter. 34. S. Anterum Papam consulerunt Episcopi Bæticæ, & Toletanae Provinciæ, an ex iusta causa posset transferri Episcopus de una Sede in aliam, existimantes, se errare non posse in hac translatione, si fieret iudicio Romanæ Sedis; vt constat ex epistola eiusdem Anteri. Et ita Episcopi Tarragonensis Provinciæ consu-

lentes Hilarum Papam (ante epistolam 2. Hilari) sic loquuntur: *Ad fidem recurrimus Apostolico ore laudatam, inde responsa querentes, unde nihil errore, nihil præsumptione, sed Pontificali totum deliberatione præcipitur.*

Quorum Episcoporum consultatio erat in materia morū, nempe circa electionē Episcopi factam contra constitutio[n]em concilij Nicæni; quomodo in eo casu, & in posterum se gerere deberet. Et prope finem epistolæ sic inquiunt: *Quæsumus Sedem vestram, vt quid super hac parte observare velitis, Apostolicis affatibus instruantur, quatenus, fraternitate collecta, prolatis in medium venerande Synodi constitutis, contra rebellionis Spiritum, vestra auctoritate subnixi, quid oporteat & de Ordinatore & de Ordinato fieri, intelligere (Deo invante) possumus. Quod codem modo fere omnes Episcopi consulentes Romanam Sedem, profitentur, se in agendis, & credendis à Romano Pontifice doceti debere.*

Imo & ipsi Patres Concilij Ephesi in epistola ad Cælestinum I. inquiunt: *Quia verò necessitas exigebat, vt omnia, que in hac sacra Synodo acciderunt, Sanctoritati tuae declararentur, non potuimus hisce nostris litteris ad Sanctoritatem tuam non perscribere. Vbi notanda sunt ea verba Necessitas exigebat, & Non potuimus non perscribere, quæ denotant etiam Patribus in Concilio congregatis necessariam esse consultationem Romanæ Cathedræ.*

35. Sed quid moror Lectorem meum, aut quare onerabo cum exemplis Sactorum Episcoporum veterum; ex quibus si omnia referre vellem, quam plurimæ paginæ implenda essent. Legantur epistolæ decretales, qua inveniuntur tribus totinis collectæ operâ Antonij Caraffæ S. R. E. Cardinalis: ex quibus manifeste cognoscitur perpetua (continuata secundum

lorum serie usque ad proxima tempora) Ecclesia praxis & consuetudo consulendi in omnibus dubijs & controversijs Romanum Pontificem, tam in materia Fidei, quam in materia morum. Imo etiam maxima pars iuris Canonici, quod continetur in quinque libris decretalium, componitur ex responsis ad consultationes Prælatorum, aut Ecclesiarum. Nam in exordio *Rex pacificus* asserit Pontifex in eos quinque libros redigere se diuersas constitutiones, & decretales epistolas Praedecessorum. Vbi glossa verb. *Constitutiones*, sic ait: *Constitutio est, quam facit Princeps motu proprio; decretalis epistola est, quando respondet ad consultationem.* Et de hac consuetudine Ecclesiæ consulendi Romanum Pontificem testatur S. Cyrillus Alexandrinus in epistola ad Cælestium I. quæ habetur tom. 1. epist. decretal. his verbis. *Quoniam vero Deus bise in rebus prudentiam à nobis exigit; longaque Ecclesiarum CONVENTUO suadet, ut istiusmodi Sanctitati tuae communicentur, &c.*

36. Audiendus est in hoc articulo Mag. Melchior Canus lib. 6. de locis cap. 7. agens de hoc recursu ad Romanam Sedem in Ecclesia Dei semper observato. *Ad Romanam porro Sedem Episcopos Ecclesiarum in causis quibusque gravissimus provocasse, ab illius ore fideles Fidei semper oracula petijisse, illius iudicium Catholicos omnes in religionis controversijs expectasse, illius denique, & vim, & autoritatem sacra omnia efflagitasse concilia, adeo certum & manifestum est, ut sim ego ineptus si velim ostendere. Quibus ex rebus, quoniam negari non possunt, constatur & efficitur, quod querimus argumentum, quo ex multis magnisque haud facile quis dixerit aliud, aut evidentius, aut certius. Si enim legum Christi interpres nullus senior est, quam perpetuus Ecclesia usus, Ecclesiæ vero*

in Fidei, religionisque questione, ac ceteris gravissimis controversijs non ad Antiochenum, Alexandrinum, Constantinopolitanum, Mediolanensem, Parisiensem, Colonensem, Toletanum, aut Brachbarensi Episcopos, sed ad Romanum omni semper etate recurrit: quis dubitet, hunc esse, quem ut successorem Petri, ita quoque doctrina Apostolice Magistrum, questionumque de Fide indicem habemus?

37. Quæ, quidem consuetudo consulendi, Romanam Cathedram in dubijs circa Fidem & mores semper extitit in Ecclesia, & persistit usque ad nostra tempora. Resert Caramuel in Theol. fundam. fundamento 4. num. 250. statim atque exorta est hæresis Ianseniana (quæ est circa Fidem & mores) cætoginta quinque Episcopos Galliæ confugisse, consultationis gratia, ad Innocentii X. Resertque Caramuel duas periodos epistolæ, quam præfati Episcopi miserunt Innocentio, quæ reperitur apud P. Stephanum de Champs in initio operis de Hæresi Ianseniana editi Parisijs an. 1654. Prima periodus hæc est: *Præcamur, sanctitas tua, quid in hac re entiendum sit, clare distincteque definit. Obtestamur ergo, ut has præsentim propositiones, de quibus disceptatio periculosa, ac contentio ardenter est, sanctitas tua expendat, ac perspicuum, & certam de unaquaque sententiam ferat. Vbi notanda sunt ea verba Perspicuum, & certam. Ideo enim consultur Romanus Pontifex, quia eius est perspicuum & certam sententiam ferre circa Fidem, & mores. Altera periodus eiusdem epistolæ est. Experta est nuper Beatitudine tua, quantum Apostolica Sedis in Gemini Ecclesia capitit eri ore profligando valuerit authoritas. Continuo sedata est tempestas, atque ad Christi vocem & imperium venti & mare obedierunt. Quam obrem flagitamus, Beatisime Pater, ut clara firma que*

quod de propositione istam prolate sententia, eni. Neuenkensis sicut aperte transduces mentis proximam et per suum subiectum contingenti representat. Sed est animo suoluente comparsa, dissidit probabilitas. Hoc est tranquillitas enim plaudendo emque restituta. Vbi autem ratione digna sunt auctorita. ad Christi viaem et imperium. quia in his cœsulationibus vox Romani Pontificis est ex Cœstib. iuri auctoritate obserdivit. Quibus meritis quid aliud significatur nisi infallibilitas definitionis Pontificia, ex assistance Spiritus Sancti. Quare omnino tollit ab Ecclesia periculum errandi in materia. I. **CATHOLICIS** De monstria primo, in primis vero ratione expeditum **SACRUM MUNDO** **ARTICVLVS. IV.**
Pluribus argumentis demonstratur, Pontificem Romanum errare non posse in materia turpia. Et reprobare honestam. P. Sanctitat Ecclesie reprobaret approbare turpia. Et reprobare honestam. n. 42. Si Ecclesia approbarer turpia. Et reprobaret honesta. Ecclesia eodem modo approbarer. Et reprobaret. n. 43. Securitas Ecclesia non errandi in materia morum nititur in securitate sui capituli. n. 43. Et id omnis non. Ex dictis colligitur. **SYLLOGISMUS** de monstratis. n. 44. In omnibus rationibus. Sanctitus doctrine est argumentum evidens veritatis Fidei. quia inde pro conclusione. p. 45. secundum modum. Si Pontifex approbarer turpia. Et deminaret honesta. docretus propositus nem etrangere. n. 46. In tertio. Docret enim propositionem oppositam conclusione Theologica. Et quia modus n. 47. Et si in proprieitate interius. Quomodo Pontifex non possit docere propositionem erroriam. p. 48. Idem demonstratur ex eo, quod Pontifex esse vere non posse in passuatis omnibus. n. 49. In quarto. Et si in altera demonstratio ex eo, quod recte retrur virio institutori Republice. Et ne missaret omnia media necessaria ad eius conservacionem. In quinto. Ultima demonstratio ex multis textibus Sacrae Scripturae. n. 52. Et secundum. Prefata conclusio certa est etiam extra definitionem articuli Fidei. n. 57. Pontifex non solum non potest errare in precipiendo turpia aut probibendo ho-

honestæ, sed neque approbando, aut reprobando. n. 59.
Neque solum in materia iuris naturalis, aut diuini, sed etiam in materia iuris humani. n. 60.

40. **I**N ea Disp. 9. cap. 6. art. 2. sic discurreret. [Demonstratur primo, instaurando rationem factam supra, quam in fine verborum P. Suarij ibi produximus. Oportet autem primam minorem, quæ erat Sua- rij, à ratione ostendere. Itaque repugnat Sanctirati Ecclesiæ approbare honesta: vt enim loquitur Card. Bellar- minus verbis relatis supra. *Sancta dicatur potissimum ob Sanctam professionem; quia nimurum professionem, & legem Sanctam profitetur, que nihil docet falsum, nihil precipit malum.*

41. Quare sic instauratur demonstratio. Si Ecclesia approbaret turpia, vel reprobaret honesta, lex & professio morum Ecclesiæ non esset Sancta. Patet. Illa enim professio morum non est Sancta, quæ profitetur mores turpes, & damnat honestos; cum Sanctitas eius professionis consistat in eo, quod ita mores Sanctos profiteatur, vt nullum turpem admittat, nullum honestum damnet.

42. Deinde si Romanus Pontifex approbaret turpia, & reprobaret honesta, Ecclesia eodem modo adnitteret, & respueret. Tum quia Ec- clesia audit, & recipit doctrinam morum à Magistro suo, qui eo firmissimo securitatis fundamento subnititur, quod *portæ inferi non prævalebunt aduersus eam.*

43. Tum quia non est maior se- curitas non errandi in materia morum in reliquo Ecclesiæ corpore, quā in suo capite, sed potius ē converso: etenim ne erraret Ecclesia, promissio facta est Magistro, & capiti. Vnde hæc securitas non errandi prius residet in Magistro, & ex illius securitate resul-

tat securitas in Ecclesiæ. Ideoque Math. 16. dicitur: *Super hanc Petram adificabo Ecclesiæ meam:* id est, firmitas Ecclesiæ in ipsa firmitate Petro in- nitetur. Et ideo optime dixit Canus lib. 6. de locis, cap. 3. §. Præterea. In Pe- tro, & successoribus primum firmam, ceriamque doctrinam afferemus; mox vero in Ecclesia Romana, cuius Petrus cum successoribus & caput, & fundamē- tum est. Quod satis dilucide expressit Origenes in hunc locum Math. 16. in hæc verba: *Manifestum est, & si non exprimatur, quod nec adversus Petrum, nec adversus Ecclesiæ portæ prævale- re poterunt inferorum, nam si præva- lerent adversus Petram, in qua Eccle- sia fundata erat, contra Ecclesiæ etiam prævalerent.*

Cannus.
Origin.
Si ergo Pontifex appro- baret turpia, vel reprobaret honesta, fierit quod vacillante capite, vacilla- ret Ecclesia, cuius firmitas à firmita- te capiti omnino pendet; consequen- terque exponeret Ecclesiæ periculo errandi in eadem materia, atque adeo exponeret periculo non habendi pro- fessionem, & doctrinam sanctam. Non ergo esset certissime, & securissime Sancta.

44. Ex his resulrat hic syllogis- mus. [Si Pontifex docens Ecclesiæ, erraret in materia morum, Ecclesia non esset Sancta; sed repugnat Ecclesiæ non esse sanctam: ergo repugnat Pontificem, dum docet Ecclesiæ, errare in materia morum.] Qui syllo- gismus demonstrativus est. Maior enim patet evidenter ex dictis. Minor est de Fide, vt pote expressa in symbolo Fidei. Et consequentia obligat, quia in propositione conditionali, à negatione partis, illatæ ad negationem prioris partis, est evidens. Dialecticorum consequentia, quia valet à negatione consequentis ad negationem anteceden- tis.

45. Confirmatur. Sanctitas Do- strinx est argumentum evidens veri- ta-

utis Fidei Ecclesiae Romanae; quo argumento ad hunc scopum virtuntur Sancti Patres, & Doctores scholastici. Doctrina autem eius Sancta non esset, si doceret Ecclesia turpia, vel damnaret honesta; non enim esset Doctrina Santa, quae aliquid non Sanctum admitteat: ergo si doceret turpia, vel damnaret honesta, essaret praedictum argumentum veritatis Fidei Ecclesiae Romanae. Quae confirmatio ex dictis robur accepit.]

factam Luc. 22. *Ego rogavi pro te, Peter, ut non deficiat Fides tua.* Atqui admittes propositionem erroneam, peccat contra Fidem, & in illa nutat: *Cum teneatur negare vel præmissam de Fide, vel præmissam evidentem, quibus ntititur conclusio Theologica.* Et cum intellectus cogatur evidens, utique determinatur ad negandam præmissam de Fide.

Luc. 22.

49. Demonstratur tertio ex verbis Castro Palao citati supra (a quo formalia verba transcripsit Diana relatus) *De Fide est, Pontificem errare non possit in pascendis oribus* (nempe quo ad pascua præcipua, & substancialia) *sed oves non solum doctrina Fidei, sed morum institutis pascuntur* (tamquam præcipuis, & substancialibus pascuis) *ergo de Fide est, in his institutis errare non posse.*

50. Maior enim est evidens ex verbis Christi ad Petrum, *Pasce oves meas: id est, potestatem tibi trado pascendi oves meas*, & media securissima, & certissima ad illas pascendas; circa quae media ob Diuini Spiritus assistentiam errare non possit. Quae verba, attentis etiam alijs, quae Christus Petro dixit in Euangeliō, ex communi Ecclesiae sensu, & traditione sensum præfatum continent pro Petro, & successoribus eius, vt notavit P. Suarez cit. ea disp. 5. de Fide sect. 8. Minor vero ex eodem sensu Ecclesiae certissima est. Conclusio autem vel tamquam de Fide, vt in ipsa exprimitur, vel saltē, ablata ea voce *de Fide*, tamquam conclusio Theologica legitime infertur.

51. Demonstratur quarto ex verbis Melchioris Cani relati supra. Et enim institutori Reipublicæ vertetur vitio, si non ministraret omnia media necessaria ad eius conservationem, præcipue cum nullum medium lateret Sapientiam eius. Sed ad conservationem Reipublicæ Christianæ,

attēn-

attento fine Sanctitatis, ad quem ordinatur, est medium necessarium infallibilitas Magistri communis in materia morum: ergo Christo verteretur vitio, si non dedister hanc infallibilitatem Magistro communi in materia morum. Hæc proxima minor probatur. Nam ad conservationem Reipublicæ Christianæ, attento fine Sanctitatis, ad quem ordinatur, est medium necessarium illud, quod requiritur ad hoc, quod Respublica Christiana non sit exposita periculo errandi in materia sanctitatis, & morum: adhoc autem requiritur infallibilitas Magistri communis in prædicta Doctrina sanctitatis, & morum, ut patet ex c. 8. [Huc usque scripsi loc. cit. usque ad num 73.]

52. Demonstratur quanto ex Sacra Scriptura. Nam ex Sacra Scriptura constat, Christum D. reliquisse nobis in Ecclesia Regulam infallibilem discernendi bonos mores à pravis. Sed hæc Regula infallibilis est Romanus Pontifex, & non aliis: ergo Romanus Pontifex infallibili autoritate discernit bonos mores à pravis; atque adeo in illis discernendis errare non potest.

53. Hæretici negant minorem: sed evidenter convincuntur à Bellarmino supra citato. Aliqui veteres Catholici dixerunt, eam Regulam esse Concilium generale, non Papam. Sde Bellarminus lib. 4. de Roman. Pontif. cap. 2. ait, eam opinionem videri omnino erroneam, & heresi proximam. Maior probatur primo ex Evangelio Ioannis cap. 14. Ego rogabo Patrem, & alium paraclitum dabit vobis, ut ma-
Bellarmino. 14 neat vobiscum in eternum Spiritum veritatis.

In quibus verbis promittit Christus Ecclesia donum perpetuo mansurum, ut maneat vobiscum in eternum; & hoc donum esse Spiritum veritatis, ex quo Ecclesia possit dignoscere omnem veritatem, quæ ad credendum mysteria Fidei, & ad re-

cte viuendum pertinet: ergo posuit in

Ecclesia hanc regulam infallibilem.

54. Probatur secundo ex cap. 1.
Cum autem venerit ille Spiritus veritatis, docebit vos omnem veritatem. Quæ verba evidenter significant, providisse Christum D. modum, quo infallibiliter possent cognoscere idelicte omnem veritatem, quæ pertinet ad finem à Christo intentum, sicut ad consequendam æternam sautem.

55. Probatur tertio ex ejusdem 1. ad Timotheum cap. 3. vbi ait Apostolus: Ecclesia Dei viui columna, & firmamentum veritatis. Quæ verba quomodo verificari possent, nisi in Ecclesia esset firma, & certissima Regula 1. Timothei veritatum, non solum quæ sunt articuli Fidei, sed etiam quæ spectant ad recte viuendum? Probatur quarto illis verbis Christi D. Pascere oves meas, ut proposita sunt supra in argumento tertio.

56. In eodem loco à num. 74. hæc superaddidi. [Ad hoc, & ad cetera argumenta respondet fortasse aliquis, hanc infallibilem assentientiam Spiritus Sancti, solum esse promissam, dum Pontifex intendit definire articulos Fidei, & non aliter.]

57. Contra tamen est, quia id, quod assumitur, est manifeste falsum. Nam etiam si Pontifex non intenda definire articulos Fidei, sed solum docere Ecclesiam cum prævia matura deliberatione, certissimum est, quod non potest docere hæresim, vel errorem, ut & ipsi relati Doctores testantur. Alioqui frustraretur promissio Christi, Luc. 22. Ego rogarvi pro te, Petre, ut non deficiat fides tua. Tum quia non esset minus periculum errandi in Ecclesia, si quando Pontifex illam docet in materia morum, erraret, quam esset, si erraret intendens definire articulum Fidei. Tum etiam, quia est contra Sanctitatem Ecclesiæ doceri doctrinam oppositam verae Sanctitati, ut patet ex de-

mon-

monstratione prima. Tum præterea, quia, ut constat ex demonstratione se-
cunda, Pontifex in eo casu loquens ē
Cathedra, admittens que Doctrinam
erroneam, exponeret Ecclesiam peri-
culo errandi in Fide: nam doctrina
erronea, quæ militat contra conclusio-
nem Theologicam, cogit ad negan-
dam præmissam de Fide; cum vna præ-
missarum neganda sit (ab eo qui ne-
gat conclusionem) & præmissa evidens
extorqueat assensum ab intellectu.

58. Tum denuo, quia Ecclesia
non solum audit Magistrum suum de-
finientem articulos Fidei, sed etiam
tradentem præcepta morum: quem
cum sic præcipientem audit, vtique au-
dit tamquam Pontificem, & Caput Ec-
clesiæ. Si ergo tradens præcepta mo-
rum, erraret, approbando (iudicio ta-
cito, vel expresso) turpia, vel reproban-
do ea, que in sensu composito essent
honesta, Ecclesia audiens Præcep-
tum suum exponeretur periculo erran-
di, quia firmitas Ecclesiæ stat in sui ca-
pitis firmitate, iuxta dicta supra.

59. Hinc inferes primo, cum præ-
dictæ demonstrationes, & sensus com-
munis Theologorum convincat, cer-
tum infallibiter esse, non posse errare
Pontificem in materia morum, præci-
piendo turpia, aut prohibendo actus
virtutum, quia ea esset quædam tacita
approbatio vitij, & reprobatio vir-
tutis; eas multo fortius probare, non
posse errare Pontificem expresso iudi-
cio reprobando honesta, & approban-
do turpia. Etenim magis errat, qui ex-
presso dicit errorem, quam qui dicit il-
lud, vnde per discursum infertur
error.

60. Inferes secundo, non solum
errare non posse Pontificem Summum
in materia iuris naturalis, aut divini
positivi, approbando aliquid iuri di-
vino, aut naturali contrarium; sed
etiam eadem certitudine tenendum
est, illum errare non posse in materia

mori, approbando aliquid, quod iu-
re canonico, aut civili est moraliter
malum, aut ē converso. Ita cum de-
clarat, talem actionem esse in se sacri-
legam, vel simoniacam ex præsuposi-
tis præceptis canonici, vel violatio-
nem ieiunij esse culpam lethalem, aut
similia, errare non potest: Sed ad hæc
omnia habet infallibilem Sancti Spi-
ritus assistentiam, ne erret.

61. Patet hæc illatio ex dictis.
Tum quia Ecclesia non haberet pro-
fessionem sanctam, si approbaret sa-
crilegium, quantvis iure humano in-
ductum: tum propter argumenta in
hoc articulo instruta. Posset quidem
relaxare ius illud canonicum, vi cuius
actio violatrix illius iuris redditur sa-
crilega; & sic relaxato iure, iam non
esset sacrilega. At retento eo iure non
potest approbare tamquam bonam, &
honestam violationem illius: sic enim
approbaret formalem inobedientiam
respectu præcepti graviter obstringen-
ti conscientiam; & saltem mediate
opponeretur quarto Decalogi præ-
cepto.] Hæc ibi scripta sunt
visque ad num. 79.

**



C A P V T II.

*An Romanus Pontifex loquens
ex Cathedra possit errare in
materia probabili circa mo-
res?*

ARTICVLVS I.

*Quid censeant aliqui in hac quæ-
tione; & quomodo in æqui-
voco laborent?*

SVMMARIVM.

Opinio Caramuelis. n.62.

Eius fundamentum. n.63.

Alij Authores eiusdem opinionis. n.64.

*Titulus ipse, quem ponit Caramuel,
quam sophistricam equivocationem
patiatur? n.66.*

*Solvitur Sophisma tituli distinctione
sensus compositi, & diuisi. n. 67. &
seqq.*

*Quomodo formandus sit titulus ad vi-
tandum equivocationem? n.70.*

*Propositio probabilis potest amittere
suam probabilitatem. n.71.*

Etiam intrinsecam. n.72.

*Solvitur fundamentum Caramuelis. n.
73.*

Et eius confirmatio. n.74.

62. *S*unt intelligeretur ita esse uni-
versaliter verum, Romanam Cathe-
drām esse Regulam infallibilem in
materia morū, ut extenderetur
etiam ad opiniones, quæ aliquo tem-
pore fuerunt, aut reputatae sunt pro-
Caram. bables; nisi Caramuel illud parado-
xum pronunciasset, scilicet: *Non dari*
in mundo visibili authoritatē damnandi
opiniones probabiles. Et hinc colligit,
opiniones probabiles damnatas sive

ab Inquisitione, sive à Romano Pon-
tifice, licet damnatae maneat, quo ad
forum externum; quo ad internum
tamen manere indemnes, & probabili-
les.

63. Cuius præcipuum fundamen-
tum est. Quia nulla authoritas facere
potest, quod bonū sit malum, & quod
innocens sit reus, & quod lux sit te-
nebra: propositio autem probabilis
bona est, innocens est, & instar lucis
inter tenebras humanae mentis: ergo
nulla authoritas facere potest, quod
opinio probabilis sit improbabilis,
aut damnable.

Confirmatur. Si innocens damne-
tur ut reus, licet in foro externo ma-
neat noxiū, in foro tamen interno
innocens permanet: ergo similiter si
opinio probabilis damnetur ut im-
probabilis, in foro externo reputabi-
tur improbabilis, in interno tamen
suam probabilitatem retinebit.

Prado.

64. Caramueli consentit ex parte
Ioannes Martinez de Prado tom. 2.
cap. 33. in Appendic. contra Caram.
quaest. 2. §. 3. num. 32. afferens, nulla
humana autoritate fieri posse, quod
opinio intrinsece probabilis fiat im-
probabilis; bene tamen si sit ab extrin-
seco dumtaxat probabilis. Eamdem
Caramuelis sententiam ut probabilem
admittit Leander à Murcia lib. 2. dis-
quisit. moral. disp. 4. resol. 25. num. 17.

65. Falsitatem huius opinatio-
nis multis demonstrationibus ostendi-
in 1. part. Cris. Theol. disp. 9. per to-
tam. In cuius cap. 2. proposui senten-
tiam Caramuelis cum omnibus suis
consequentijs, collatis inter se varijs
locis operum eius; & ibi etiam retuli-
sententiam aliorum duorum, afferens
eorum verba formalia. Et cap. 3. co-
rum fundamenta retuli.

66. Et cap. 1. evidenter ostendi-
ipsum titulum scilicet [An detur in
mundo visibili authoritas damnandi
opiniones probabiles?] sophistica
æqui-